

父子合集經

父子合集經卷第六

滅

西譯經藏朝散大夫鴻臚卿寮祭師賜紫明
日稱 等奉詔譯

鳩盤荼王授記品第九

爾時會中有十八俱脰鳩盤荼王見
諸阿修羅及迦樓羅諸龍王等作供
養已心生愛樂復聞如來與彼授記
歡喜踊躍得未曾有咸共讚言如來
成就最上智慧於一切法無有疑惑

無喜無恚不生分別堪受人天廣大
供養譬如大海深廣彌滿不動不涌
湛然安靜如來功德亦復如是時彼
鳩盤荼王并諸眷屬各發淨心而興
供養以神通力化作十八俱胝寶幔
是諸寶幔巧妙殊絕皆以寶線次第
嚴飾所謂黃金線幔白銀線幔吠琉
璃幔玻肱迦幔赤真珠幔杵藏珠幔

馬藏珠幔等若金線幔垂銀花鬘若
銀線幔垂金花鬘吠琉璃幔玻肱迦
鬘玻肱迦幔吠琉璃鬘赤真珠幔杵
藏珠鬘杵藏珠幔赤真珠鬘馬藏珠
幔衆寶爲鬘互相間列甚可愛樂又
復化出十八俱肱衆寶妙車所謂金
車乃至馬藏珠寶所成之車於彼車

上復現十八俱脰上妙繖蓋一一繖
蓋奇異巧妙有骨百莖衆寶裝鉸或
以純金而爲其柄次第乃至吠琉璃
柄繖蓋之下垂諸花鬘黃金花鬘乃
至摩尼珠寶所成花鬘是諸繖蓋以
赤真珠巧妙交絡以爲其網時鳩盤
荼王各各乘彼衆寶妙車執持繖蓋

作諸伎樂於虛空中繞佛三帀以七
寶花散如來上散已復散從車而下
禮世尊足在一面住合掌向佛以偈
讚曰

牟尼聖主出世間如彌盧山顯大海
離諸憂畏不動涌堪受如斯妙供養
常住寂靜三摩地演說諸法無所著
捨除憍慢諸垢染觀察世間唯名想

了知諸法如幻化猶如夢中受欲樂
亦如水月體非真智者當作是觀察
乾闥婆城本無有於方處求不可得
應知但以假名說諸世間法皆如是
我等所作諸供養寶車寶蓋寶幔等
及以種種歌樂音如來觀之如谷響
願我成佛如世尊爲衆生說如幻法
皆令遠離惑業因悉證菩提寂靜道

爾時世尊知諸鳩盤荼等心之所念
即於口中放大光明時馬勝比丘觀
是光已合掌向佛以偈問曰

調御施化非無因矚斯淨光難思議
時衆欲知其所由唯冀如來速演說
覩佛面門現斯瑞諸天人民咸有疑
願佛憐愍諸群萌說此放光希有事

誰於今日發大心樂於佛所聞正法
何人於佛興供養爲說所獲諸功德
何人達彼有爲行剎那能離諸過患
何人證於實相門寂靜意樂而不動
何人得道降諸魔何人稱讚佛功德
何人斷惑超三有息諸纏蓋心泰然
大衆咸生恭敬意佇聞如來微妙音
何因放此淨光明願波衆疑分別說

爾時世尊爲馬勝比丘說伽陀曰

善哉馬勝問斯義爲作世間饒益者
我今說此光所從汝等一心當諦聽
今此鳩盤荼衆等廣興供養淨福業
合掌住立於我前安住實際心不動
以智慧力善修習起大悲心利群有
後當脫此鬼趣身決定往生於勝處
得爲忉利天宮主親近承事諸如來

了達諸法無有疑
如黑暗中然大炬
未來復過俱肱劫
嚴淨無邊佛刹土
供養河沙佛世尊
被精進鎧修諸行
饒益攝受諸有情
決定自知當作佛
及於方域而降生
由是号曰除疑佛
常說最上寂靜法
聞者心淨離諸疑
咸願求趣大菩提
抹拔群生超彼岸

我今已答汝所問 普令時會心安隱
故此授汝鳩盤荼 於未來世得作佛
父子合集經乾闥婆王授記品第十

爾時會中復有三十六俱肱乾闥婆
王見諸阿修羅迦樓羅諸龍眷屬鳩
盤荼等於如來所作供養已復聞與
授成佛之記歡喜踊躍得未曾有及
聞稱讚如來法性本來寂靜清淨無

垢無有少法之所顯示皆爲增長衆
生善根深生信解捨諸慳悞即發無
上菩提道心時諸乾闥婆王爲供佛
故以神通力化作三十六俱肱愛羅
縛拏大龍象王一一象王各有六牙
一一牙上而有七池一一池中有七
蓮華一一蓮華而有千葉一一葉間
有七天女一一天女復以七女而爲

侍衛復於一一龍象頂上化出三十
六俱肱上妙繖蓋七寶爲網寶鬘交
映又復各現寶幔彌覆懸諸花鬘處
處周徧彼蓮華中所有天女或作歌
舞或奏音樂或說伽陀讚佛功德或
散旃檀沉水末香或散種種天諸妙
花或散種種上妙衣服或散衆寶嚴

身之具耳璫臂釧寶屐金帶或有執
持種種寶幢雜色幡蓋或散種種清
淨香水於虛空中如雨而下與諸香
花合和成泥徧迦毗羅城廣六十由
旬隨風所飄其香普至是時彼諸乾
闥婆王各各乘一大龍象王競奏百
千諸妙音樂徐行空中右繞三帀以
神力故令樂音聲并前香風徧於三

千大千世界其中衆生得聞樂聲及
彼香者皆於阿耨多羅三藐三菩提
得不退轉彼乾闥婆王於虛空中繞
佛畢已從象而下至於佛所復繞三
匝頭面禮足住立一面合掌向佛以
偈讚曰

如來具足諸妙相
於三界中無與等
解脫煩惱生死因
已盡輪迴苦邊際

顯現無邊大威神天上人中極希有
成就寂靜解脫門無有非人能動亂
如來具足清淨道本無所證無可說
佛性真常本湛然依世俗諦強分別
未來諸佛出世間亦能安住如是法
法無自性本性空無有作者及主宰
了知自佗無所作是爲世間具智者